




PARLIMEN MALAYSIA

DEWAN RAKYAT

MESYUARAT KETIGA, PENGGAL KELIMA
PARLIMEN KETIGA BELAS
2017

**Jawapan-Jawapan Pertanyaan Jawab
Lisan Harian Yang Tidak Dapat Dijawab
Dalam Dewan Rakyat Daripada
Kementerian**


HARI ISNIN : 27 NOVEMBER 2017



KANDUNGAN

**JAWAPAN-JAWAPAN BAGI PERTANYAAN-PERTANYAAN JAWAB
LISAN YANG TIDAK DIJAWAB DI DALAM DEWAN
(SOALAN NO. HINGGA NO. 52)**

NOTA: [RUJUK PENYATA RASMI HARIAN (HANSARD)]



SOALAN NO.: 8

PEMBERITAHUAN PERTANYAAN DEWAN RAKYAT

PERTANYAAN : LISAN

TARIKH : 27 November 2017

SOALAN :

Ust. Dato' Dr. Mohd Khairuddin Bin Aman Razali minta **MENTERI PERUSAHAAN PERLADANGAN DAN KOMODITI** menyatakan kesediaan Kerajaan untuk menetapkan harga lantai getah sekerap RM4 sekilogram.

3

JAWAPAN:

Tuan Yang Di-Pertua,

Buat masa ini, Kerajaan tidak bercadang untuk menetapkan harga lantai getah sekerap RM4 sekilogram. Walau bagaimanapun, bagi meringankan bebanan pekebun kecil di seluruh negara kesan daripada kejatuhan harga getah di samping memberi galakan kepada pekebun kecil untuk terus menoreh sewaktu harga getah rendah di pasaran, Kerajaan telah melaksanakan Insentif Pengeluaran Getah (IPG) bermula tahun 2015. IPG akan diaktifkan apabila purata harga bulanan SMR 20 pada bulan sebelumnya adalah kurang dari RM5.50 sekilogram atau harga di ladang untuk getah sekerap adalah di bawah RM2.20 sekilogram. Perbezaan harga akan ditampung oleh Kerajaan bagi pengeluaran yang dihasilkan oleh pekebun kecil. Ini bermakna Kerajaan menjamin harga minimum di ladang yang diterima pekebun kecil adalah pada kadar RM2.20.

Tuan Yang Di-Pertua,

Pemberian sesuatu insentif perlu dikaitkan dengan usaha menggalakkan penghasilan getah secara berterusan. Mekanisma pelaksanaan IPG yang dilaksanakan sekarang adalah berunsur kepada produktiviti di mana semakin tinggi pengeluaran yang dihasilkan semakin banyak insentif yang bakal diperolehi oleh pekebun kecil. Kerajaan telah meneliti kadar pemberian IPG ini dan didapati pada kadar RM2.20 sekilogram dengan Kandungan Getah Kering 50% akan membolehkan pekebun kecil dengan purata milikan tanah seluas 2 hektar dan produktiviti *cuplump* 3,000 kilogram/hektar/tahun, menikmati pendapatan bulanan sebanyak

RM1,100. Sehingga 31 Oktober 2017, bilangan permohonan tuntutan IPG adalah sebanyak 526,982 dengan sejumlah RM67.9 juta telah diagihkan.

Sekian, terima kasih.